

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

اخطار مخصوص

مهریه محاکم عدلیه اختیار اولور و آبونه اولق
آزادسند بولنامه ذراتک اول امده مذکور غنیه تک
بر سنه تک بدلی نقداً عدلیه نظارت مجیدیه سی دائره سنه
مهریه محاکم عدلیه دائره سنه تسلیم و ارسال ایللملری لازم
کله چکی اخطار اولنور .

تبلیغات

محاکم نظامیه دن پوسته خانه یه تودیعاً تعاطی و ارسال
اولان احضار ورقه لریله پروستو و سکسترو کی
اوراق ایچون دوائر عدلیه جه استیفا اولان خرج
تعرفه مخصوصه یه مستند اولدیغی جهتله پوسته اجرت تک
دخی بشقه جه اصحاب مصالح طرفندن تسویه اولنق
واشبو اوراقک پوسته خانه جه اوراق سائر رسمیه دن
تفریق قابل اوله بیلیمک ایچون بوکی اوراق مظلوماً
کوندولمکده ایسه ظرفی اوزرینه و آچیقندن تسلیم
ایدلمکده ایسه ورقه سی ظهرینه (اجرتی صاحبی
طرفندن ویریه جکدر) اشارتک وضع و تحریریه
اجرت اعطا ایتدیرلمسی فقط بونلرک ارسال
اولنه جق تبلیغ علم و خبرلری اجرتلری دخی مورد
لرنجه آلتق لازم کله جکندن بومقوله اوراقدن تعهدلی
اجرت آلتسی خصوصتک تصریح ایدلمسی لازمه دن
بولندیغنه دائر ۲ جزیران ۹۸ تاریخسنه تعمیماً
بازیلان تحریرات بوکره پوسته و تلغراف نظارت
یه سندن وارد اولان تذکره اوزرینه تأکید ایدلمشدر .

رژی دعوالرینک اصول استینافی جزا دعوالرینه
قیاساً جریان ایتمکده اولسنه نظراً مرکز جه جریان
ایدن معامله وجهله خرج نظامیسنک اخذیه یالکز
اعلام صورتی اعطاسنده مانع قانونی اولدیغنه دائر
وقوع بولان تبلیغانه تبعاً تفهیم قراردن صکره بر
قطعه استیناف عرفی اعلی اعطاسیله برابر خرج اعلامی
ویریه رک یالکز صورت طلب ایتمکده بولان رژی
اداره سنه قارشو نه یولده معامله اولنه جنی حقنده

در سعادت امور عدلیه مفتشکلندن اعطا قلنان
مذکره یه ، چاق توتون دعوالرینک اصول محاکمه
حقوقیه قانونه توفیقاً محاکم جزائیله ده رؤیتی فقط
استیناف مدتک اون بش کون اعتبار ایدلمسی رژی
نظامنامه سنک جمله احکامندن اولوب شو حالد
دعایو مذکورده مدت استینافیه دن بشقه بالجمله
معاملاتی قانون مذکور احکامنه تابع اوله جغه کوره
یالکز صورت خرجیه اکتفا ایدلمسی جائز اوله میه .
جغندن رژی دعوالرینه دائر لاجل الاستیناف طلب
اولنه جق صورتلرک اصلریله برابر خرج نظامیلری
آلتهرق علی الاصول طرفینه اعطا و تبلیغ قلمسی
لازم کله چکی انجمن عدلیه افاده سیله مذکور مفتشاکه
جواباً تبلیغ اولنمشدر .

فاطمه خانمک لیلاً خانه سنه بالدخول سرقتیه
جرات ایتلرندن طولانی مته اولان آیدینی محمدافندی
ایله زوجه سی امینه ک برائترینه دائر آیدین ولایتی
استیناف جزا محکمه سندن ویریلان اعلام ، امر تحریری
قانونی اوزرینه محکمه تمیزجه نقض ایدلمش ایسه ده صورت
نقض اصول محاکمات جزائیله قانوننک اوچیز اون
دردنجی و اوچیز قرق یدنجی ماده لرینه مستند
اولوب مذکور ماده لرده ایسه کیفیت نقض صورت
مطلقه ده محرر اوله رق نفعاً للقانون قیدیه غیر مقید
بولنسنه و محکمه تمیز اعلامنده ده کیفیت نقض عادیماً
وقوعی کوسترلمسنه نظراً بونلرک یکیدن اجرای
محاکم لری اقتضا ایدوب اتمیه جکتنک تعییننده تردد
حاصل اولدیغنه دائر ولایت مذکوره استیناف محکمه سی
مدعی عمومیلکندن وقوع بولان اشعاره ، اصول
محاکمات جزائیله قانوننک اوچیز قرق یدنجی
ماده سی موجبجه محکمه تمیزدن صادر اولان نقض
قرارلرنده نفعاً للقانون قیدی اولسنه بیلینه او یولده
تلقی اوله رق برات قرارینک خللدن محافظه سی ایله
یکیدن اجرای محاکمه اولنماسی حقنده مقدما انجمن
عدلیه قراریه تعمیم اولان تحریراته توفیقاً برائترینه قرار
ویریلان مرقومان محمدافندی ایله زوجه سی امینه تک تکرار

اجرای محاکمه لرینه محل اولدیغی جوابی ویرلشدر .

مفتی زاده مرتضی افندینک ملغا منافع صندوقه
محکوم به دینی اولان اونوز بیک کسور غروشک
تأمین استینافی ضمنتده مومی الیهک متعهد بولندیغی
منزلخانه تقاسیظندن مطلوبی اولان درت بیک کسور
غروشک اجرای حجزی زراعت بانکسی جانبندن
استدعا ایدلمسنه قارشو جانب پوسته خانه دن باشرطنامه
ویریه جک تقاسیظ ملتزم مومی الیهک تعهدینی ایفا
ایچون بولندیره جنی حیوانات وسائر مصارفه مقابل
اعانه اچقه سی اولغله بونک اجرای حجزنده تردد
ایدلرکندن بحثله استفسار معامله یه دائر اطنه استیناف
مدعی عمومیلکندن وارد اولان تحریرانه ، مدیونک
اشخاص سائر ذمتلرنده اولان هر نوع مطلوب
باتنک تسویه دینی ایچون حجزی اساساً حکم قانون
اقتضاسندن اولوب بومثللو ملتزمین و متعهدینک
ایفای تعهد ایدیه بیللملری ایچون مصارف قارشولقی اولق
اوزره خزینة جلیله ده کی مطلوباتنک حجز اولنه میه جغه
دائر قوانین مخصوصه سنده برکونه صراحت بولنماسنه
نظراً مبلغ مذکورک حجزینه برمانع قانونی اولدیغندن
اولوجهله اجرای معامله اولنسی لازم کله چکی جوابی
اعطا قلمشدر .

محاکمات مقدماتی

آیدین ولایتی معیتده مأمور اولدیغی
حالد ازمیردن آتیه یه کیده رک بعض تشبثات
مفسد تکارانه ده بولندیغی ادعاسیله مته بولان
فخری افندی حقنده اجرا قلنان محاکمه غیاییه
نتیجه سنده فراری مرقومک اول وجهله
ارباب فساددن اولدیغی قومیسون مخصوصتک
مضبطله سی مندرجاتی ایله ثابت اولدیغندن

مجرمیت و قانون جزائک الی سکنجی ماده -
سنگ فقره اولاسی حکمنه توفیقاً مؤبداً قلعه
بند ایدلمسنه و حقوق مدینه دز و تابعیت سلطنت
سینه دن اسقاط اولمسنه و اموالنک اداره ایتد -
یرلمسنه محکمه جناجیه متفقاً قرار ویرلمشدر .

مسؤل بالمال اولانلرک محاکمه ده بولندیرلملری
استدعا اولنسی اوزرینه مدعی عمومی بعد -
الاستماع طلب واقفک رد ویا قبولی حقتده
برقرار ویرلمک لازم کلور ایکن ویرلمه سی
واظهارحقه مدار اولق اوزره جلب ایدیلانلرک
افاده لری نه دن عبارت اولدینی ضبطنامه ده
کوسترلماسی و ماهیت جرمک لایقوله تعیین
قلنامه سی کیفیاتی نقض حکمی مستلزم بولندیغه
دائر محکمه تمیز جزا دائره سندن اعطا قلنان ۲۲
تشرین اول سنه ۳۱۷ تاریخی اعلامدر :

در سعادت جنایت محکمه سندن ویریلان ۷ مارت
سنه ۳۱۷ تاریخی و آتی نومرولی اعلام ایله اوراق
مفرعه سی باش مدعی عمومیک مأموریت بهیه سندن
۷ حزران سنه ۳۱۷ تاریخی و بیک درت یوز اوتوز
یدی نومرولی تبلیغنامه ایله محکمه تمیز جزا دائره سنه
کوندیرلمکله مطالعه اولندی .

اعلام مذکورک خلاصه مالی امنیت صندوقک
بعض قیود و دفتری ایله جزو دانلری تحریف ایدرک
ساخته کارلق یولنده وقوع بولان آچقه سرقتدن
طولانی بالادعا جنایتله اتهام اولسان اسکدارده
طوغاخیلارده چاقور حسین پاشا محله سی سکنه سندن
سابق مذکور صندوق محاسبه جیسی اشرف افندی
بن فرهادک وحیل و دسایس اعمالیه صندوق مذ -
کورک آچمه سی طولانلر دقلری بیان اولمسندن ناشی
ناشی جنحه درجه سنده لزوم محاکمه لریه قرار ویریلان
اسکدارده ایجادیه صو بولی زقاعنده ساکن
علکسان ولد قصبه دارک و جاه و معین اقامتگاهی اولدینی
اکلاشیلان ساعتی ابراهیمک غیباً اجرا قلنان
محاکمه لری نتیجه سنده بولردن اشرف افندیک اموال
امیره دن معدود اولان امنیت صندوقک دفاتر
و جزو دانلری تحریف اتمک صورتیه معلوم المقدار
اموال امیره بی سرقت ایدلریک و علکسان ایله ساعتی
ابراهیمک دخی حیل و دسایس اعمالیه مذکور
صندوقک آچمه سی طولانلر دقلری ثابت اولدیندن

اولوجهلر مجرمیتلریه و مرقوموندن اشرف افندیک
اعظم جرمی اولان اموال امیره سرقتدن طولانی
جزا قانوننامه هایوننک سکسان ایکنجی ماده سنه توفیقاً
آتی سنه مدته قلعه بند ایدلمسنه و مذکور صندوق
سرقت ایدلریک تحققی ایدن آتی یوز یمش بش بیک
بش یوز اون درت غروش اون پاره نک لیرا یوز
غروشدن بر مثلک بالتحصیل و زنه به تسلیم اولمسنه
و راپورده محرر طقوز یوز اوتوز بر بیک درت یوز
یمش آتی غروش اون پاره آتون آچمه نک دخی
آیرنجیه استحصالیله امنیت صندوقه اعطا ایدلمسنه
و کذران ایدمه جک مدت ایچون اصل ماله رأس مالی
تجاوز ایتامک اوزره آیرنجیه کذشته یوریدلمسنه و هیئت
تمیزه خرج راهی اولان درت بیک ایک یوز قرق
غروشک آیرنجیه استیفاسیه مذکور صندوقه تسلیم
ایدلمسنه و علکسان ایله ساعتی ابراهیمک قانون مذکورک
ایکی یوز اوتوز اوچنجی ماده سنه توفیقاً ساعتی
ابراهیمک حرکتده اسباب مشده کوریه لریک آتی
و علکسانک اوچ ماه مدته حبس ایدلریه و کندو -
لرندن بشر آتون جزای نقدی اخذینه و ابراهیم
و علکساندن طلب اولنان مبلغ مقداری تعین ایتد -
یکندن آنلرک دخی بعده ایجابیه باقمسنه حکم او -
لندیندن عبارتدر .

مدعی شخصی مذکور صندوق وکیللری طر -
فدن ویریلان تمیز لایحه سنده مرقومون حقارنده
برمنوال محرر قرار موجود ایدده محاسبه جی اشرف
افندیک اختلاسه مساعد و مساعددن طولانی مدیر
و صندوق امینی و زنه دارلرک دخی جزا قانوننامه -
هایوننک ماده مخصوصه سیله امنیت صندوق نظامنامه -
سنگ اوتوز ایکنجی ماده سی موجب مسؤلیت درکار
بولندیغه مبنی اشرف افندیک کفیلی ایله اختلاسه -
نک زمانه عائد متسلسلاً مدیر و صندوق امینی
و زنه دارلرک و کفیللریک علملرند اصول محاکمات
جزائییه قانوننک مواد مخصوصه سی موجب جرمک
استطاق دائره سنه و کرک محکمه جناجیه مدعی شخصی
صفقیله ایک قطعه استدعنامه و برله لریک بولرک دخی
بالحا که مبالغ مختلفه نک ذات و زمان اعتباریه حصه
لریه اصابت ایدن مقداریک حکم آتته آنمنی طلب
ایدلش اولدینی حالد بوقفه قانونیه دن ذحول ایله
مسؤل بالمالر محکمه به جلب ایدلمکسزین و تشکیل
طرفین اولقمسزین یا لکزم متهمک محکوم ایدلسی
مخالف قانون و موجب نقض اولدینغه و متهمک عهده
تصرفنده اوله رق حیز اولوب بر قاج یوز لیرادن
عبارت بولنان اموال و املاکنک قیمت و بدلی صندوق
حقوقک استیفاسه غیر کافی بولندیغه دائر اعتراض
سردیله مسؤل بالمالرک دخی جلب اوله رق نقصان

بولنان محاکمه نک اکالی ضمنتده اعلام مذکورک حق
شخصی جهتدن نقض استدعا قلنشدر .
تبلیغنامه و ذیلنک نتیجه مفادی دخی صندوق
وکیللری طرفدن اخیراً ویریلان تمیز لایحه سنده
نقصانی تحقیقات جهتلری تضمن ایدن اعتراضات
بجا کورلرکندن بحثله اعلامک نقضی لزومی حاویدر .
حکم جنائیدن طولانی تدقیقات تمیزیه اجرا
اولندقه ضبطنامه ایله اعلام مندرجاتندن منظم
اولدینی اوزره صندوقک اساس دفتری کیمک یدنده
ایدوک و جزو دان پاکتی کوردیکی وقت محاسبه جی
اشرف افندیک موجود اولوب اولدینی و معامله سی
ختم بولان جزو دانلر حقتده نه معامله ایدلریک شود
مستعده دن و زنه دار لئون افندیدن صورنامق و مومی -
ایله اشرف افندیک مستطق حضورنده کی افاده سنده
مذکور صندوقک مدبری و زنه داری و قیدی کابی
شریکلری اولدینی سولش اولسنه نظراً مرقومون
قبل الاستمهاد بوباده مدعی عمومیک مطالعه سی
آتمامش و جزو دانلرده کی مبالغی ناطق اولان کلات
اصولاً کیمک طرفدن یازلمده اولدینی و محاسبه جی
اشرف افندیک افاده سنده یا لکزم گله سی ایله مقدار
مبالغی مبین اولان عبارته احتیاطاً فاصله لی اوله رق
وزنه دار طرفدن یازلدینی بیان اولمشیکن بوجهت
نه مدیرن ونده و زنه داردن وسندات مأموری ید -
روس افندی شهادتده ساخته جزو دان بعد القید
مهرانه و یردیکی سولشیکن بومهران کیم و وظیفه سی
نه ایدوک مرقومدن و شاهد دیمتری قیدلریه مراجعت
ایتمک اوزره و زنه دار لئون افندیک کندلیسه ویر -
دیکی درمیان ایدلریک بوسهلر کیملر نامنه محرر ونه
مقدار مبالغی ناطق و بوسهلر نه کی بوسهلر ایدوک
و قاعده بوی بوسهلر تساطی اولوب اولدینی
و یمش بش بیک قیدی و زنه قیدینه موافق اولدینی
کوردیکنده کیمه معلومات و یردیکی کندلیسندن استفسار
ایدلماش و سر تحصیلدار حسن صبری شهادتده
جیوخیانک ابراز ایدلریک جزو دان و کاغدی جیوخیانه
ویر دفع ایت دیمش اولدینی بیان و فقط کندوسی
جزو دان و کاغدی ویرماش اولدینی اتیان ایلمسنه
نظراً مرقومک بوباده مدیره اطاعت ایتامسی سبی
سؤال اولدینی کی کندلیسه بویوله امر و وروب
ویرمدیکی مدیردن بالمواجهه تحقیق اولماش و اطه جی
داوید بطال جزو دانلری محاسبه جی کندوسندن طلب
و کندوسی ویرمش اولدینی و ایچندن بریسی نقصان
بولدینی سولیدیکی حالد بوجزو دانلر التده نندن بو -
لندقلری و تحصیلدار حسن صبری شهادتده جزو دان
وزنه داره کورتور دیکنده محاسبه جی بویله ییار ایسه
اهالی بزه فصل اینسانور دیمش اولدینی افاده ایش

حسینک اثنای راهده تقدلری اخذ و غضب ایدلریکری
ادعاسیه جناجیه متهم اولان حسین بن ابراهیم و قوچه
اغا بن عبدالله و حسین بن مصطفی و ابراهیم بن خلیل
و بهلولک اوچر سنه مدته کورک قوللریه دائر
ارضروم ولایتی استیناف محکمه سی جزا دائره سندن
اعطا قلنان یمش درت نومرولی ایک قطعه اعلام
۱۸ ایلول سنه ۳۱۷ تاریخده تصدیق ایدلمشدر .

جزور ناحیه سی مشایخنن نوحی الزوای قتل
ایتمسندن طولانی جناجیه متهم اولان ضبطیه نفراتندن
عبدالسلام شلیک اون بش سنه مدته کورک قوللریه
دائر طرابلس غرب ولایتی استیناف محکمه سی جزا
دائره سندن ویریلان طقسان یدی نومرولی اعلام
۱۸ ایلول سنه ۳۱۷ تاریخده تصدیق ایدلمشدر .

استاروه قضاسنک حومچان قریه سی اهالیسندن
مصطفی بن رجی قتل قصه دیله جرح ایدلریک ادعا
قلتمسندن طولانی جناجیه متهم اولان قریه مرقومه لی
شمس الدین بن نورالدینک اوچ سنه مدته کورک
قوللریه دائر کورجیه سنجانجی بدایت محکمه سی جزا
دائره سندن ویریلان اون درت نومرولی اعلام ۱۰
تشرین ثانی سنه ۳۱۷ تاریخده تصدیق ایدلمشدر .

قانبور اوغلی ازسلانک کیفیت قتلندن طولانی
جناجیه اتهام ایدیلان ریزه قضاسنه تابع قوریلوز
قریه سندن طوبال مقصود بن کور اوغلنک اون بش
سنه مدته کورک قوللریه دائر لازستان سنجانجی
بدایت محکمه سی جزا دائره سندن ویریلان اون ایک
نومرولی اعلام ۲۲ تشرین اول سنه ۳۱۷ تاریخده
تصدیق ایدلمشدر .

علی نام شخصه قتل قصه دیله شهر سلاح
ایتمسندن طولانی جناجیه متهم اولان مهاجرین
جرا که دن شکری بن کدک حسینک اوچ سنه مدته
کورک قوللریه دائر سینوب سنجانجی بدایت محکمه سی
جزا دائره سندن اعطا قلنان ایک یوز اون بش نومرولی
اعلام ۳ مایس سنه ۳۱۷ تاریخده تصدیق ایدلمشدر .

بواز آباد ناحیه سنه تابع کرموش قریه سندن خود
اوغلی کبر و ازبولنک دیواری دلهرک صابون و اشپای
سائرلری سرقت ایدلریک ادعا قلتمسندن طولانی
جناجیه اتهام اولسان قریه مذکورک چوبان بیدو
ولد نرسو و کیو ولد اکوبک اوچر سنه مدته کورک
قوللریه دائر اوزفه سنجانجی بدایت محکمه سی جزا
دائره سندن اعطا قلنان طقسان اوچ نومرولی اعلام
۹ تشرین اول سنه ۳۱۷ تاریخده تصدیق اولمشدر .

اولسنه نظراً بولدن وزنه دارک مقصدی نه ایدوک
و بوسوزی جزو دان قیوده تطبیق ایتدکن صکره می ویا
اولمی سولیدیکی صورنامقه برابر وزنه داردن بالمواد
جهه استیضاح ایدلماش و امنیت صندوق وکیللری
طرفدن اثنای محاکمه ده استدعا تقدیم اوله رق سائر
صندوق مأمورلریک دخی مسؤل بالمال صفقیله محاکمه
کده بولملری طلب ایدلمشیکن بوباده مدعی عمومی
بعد الاستماع استدعای واقفک رد ویا قبولی حقتده
باللذا که بر قرار اعطاسی لازم ندن ایکن بولزوم
قانونیندن ذحول ایدلش و اظهارحقه مدار اولق اوزره
صندوق مأمورلریندن خلوصی بیک جلی جانب ریاستدن
تسبب ایله جاب ایدلریک ضبط ورقه سی مندرجاتندن
مستبان اولدینی حالد افاده سی نندن عبارت اولدینی
کوسترلمکله برابر اساساً ساخته لکی ادعا اولنان
جزو دان جیوخیان طرفدن صندوقه ابراز ایدلش
ایکن جیوخیان جاب و استجواب ایدلماش اولدیندن
نواقص مذکورده اکال اولقمسزین و ماهیت جرم
لایقوله تعیین ایلکسزین حکم اعطاسی مستلزم نقض
اسبابدن بولمسنه مبنی تبلیغنامه ده درمیان اولنان
اعتراض بولمقیله بجا کورلرکله اصول محاکمات جزائییه
قانوننک اوچوز اون دردیجی ماده سنه توفیقاً حکم
مذکورک قصیه لریه اوراقنک افاده سنه وایکی یوز غروش
تمیز اعلامی خرجنک تحصیلنه ۲۲ تشرین اول سنه
۳۱۷ تاریخده قرار ویرلدی .

ارضرومک مائی خاننده مقیم تجارتدن اغا میرزا
عبداللهک خالی دنگلرندن بر عدد خالیسی اخذ و غضب
ایتدکلری ادعاسیه جناجیه اتهام ایدیلان حسن قلعه
قصیه سنک کنخدا محله سندن ارسال بن عاکف
وحسین بن یوسف و محمد بن شعبان و عاکف بن
ابراهیم و ایوب بن محمدک اوچر سنه مدته کورک
قوللریه دائر ارضروم ولایتی استیناف محکمه سی
جزا دائره سندن اعطا قلنان ایک یوز اون طقوز
نومرولی اعلام ۱۴ حزران سنه ۳۱۷ تاریخده
تصدیق ایدلمشدر .

اورمیو قصیه سی اهالیسندن محمدن احمدی جرح
و عضوئی تعطیل ایتسندن ناشی جناجیه اتهام ایدیلان
قصیه مذکورده اهالیسندن جمال بن محمدک اوچ سنه
مدته کورک قوللریه دائر قریه سنجانجی بدایت
محکمه سی جزا دائره سندن اعطا قلنان بیک بش یوز
سکسان ایک نومرولی اعلام ۲۹ مایس سنه ۳۱۷
تاریخده تصدیق ایدلمشدر .

طورسون اوغلی عبدالقادر و عبدالرحمن اوغلی

آسادور اوغلی قره بیک ضرباً و فاقنه سیبیت
ویرمسندن طولانی جناجیه اتهام اولسان کراغوص
ولد قالوسک بش سنه مدته کورک قوللریه دائر
قسطنونی ولایتی استیناف محکمه سی جزا دائره سندن
اعطا قلنان درت یوز یمش نومرولی اعلام ۲۵
تشرین اول سنه ۳۱۷ تاریخده تصدیق اولمشدر .

رزرین قصیه سنک محمد پاشا محله سندن بقال
یوسف عبداللهک معازده سی کلیدیه آناختار اویدررق
اموالی سرقت ایتسندن طولانی جناجیه اتهام ایدیلان
محله مذکورده اهالیسندن ساعتی محمد بن سلیمک
اوچ سنه مدته کورک قوللریه دائر رزرین سنجانجی
بدایت محکمه سی جزا دائره سندن ویریلان طقسان
نومرولی اعلام ۳۰ تشرین اول سنه ۳۱۷ تاریخده
تصدیق ایدلمشدر .

حاجی علیک نقد و اشپایی اخذ و غضب
ایدکلری ادعا قلتمسندن طولانی جناجیه متهم اولان
جای ناحیه سندن عاکف و دامالی اوغلی علی عثمان
وحسن بن محمودک دردر سنه مدته کورک قوللریه
دائر قره حصار صاحب سنجانجی بدایت محکمه سی
جزا دائره سندن ایکنجی دفعه اوله رق ویریلان یوز
آتی نومرولی اعلام ۳۰ تشرین اول سنه ۳۱۷ تاریخده
تصدیق ایدلمشدر .

قیوچیلر قریه سی اهالیسندن سوطیری ولد آننک
واقنه سیبیت ویرمسندن طولانی جناجیه اتهام ایدیلان
قریه مذکورک یانچی واسیلی ولد یورکنک بش سنه
مدته کورک قوللریه دائر سلاشک ولایتی استیناف
محکمه سی جزا دائره سندن اعطا قلنان ۱۶۹ نومرولی
اعلام ۴ اغستوس سنه ۳۱۷ تاریخده تصدیق
ایدلمشدر .

جرائم فسادیه شقاوتکارانه ده بولمزلرندن طولانی
جناجیه متهم اولان اسپطور و صوغو و کیدو وها -
کوب و یارسیخ و ایرانوس و ماتوس و حسرت نام
اشخاصک اوچر سنه مدته کورک قوللریه دائر
بتلیس ولایتی استیناف محکمه سی جزا دائره سندن
ویریلان سکسان نومرولی اعلام ۸ تشرین اول سنه
۳۱۷ تاریخده تصدیق ایدلمشدر .

اوستریا دولتی تبعه سندن عطار بلاطی داوید ولد
یاسنی ضرب ایدن فسجی ادهم بن بیرامک بر هفته
حبسنه
سرکه جیده تیور قیوده آرابه جی زقاعنده ساکن
طودوری ولد میخالک خلاف تنبیه سلاح طاشیدینی
ثابت اولدیندن یکریمی درت ساعت حبسنه

آتيقه جي اورام ولد يانقوي ضرب ايدن چارشوي
کيرده ورقجي خاننده قيوچي استپان ولد اوخانس
ايله قيوچي لئون ولد ديقراندين برر آلتون آلتهرق
مضروبه اعطاسنه

طاطاولده ساکنه صوفيه يي ضرب ايلديکي
ادعاسيله مذنون بولسان ياقومي نام شخصک فعل
ضربه جرائي وعين جرم ايله محکوميتي تحقق ايتديکندن
اون آلتی کون حبسنه

طرابيه ده دره ايچنده آشي جي يانقو ايله بالقجي
ديکر يانقونک شرايچي نيغولي وپنايوطي ضرب
ايلديکلي ثابت اولديغندن کندولرندن برر بچق ايرا
آلتهرق مدعي شخصيلره ويرلسنه

خاليچي اوغلنده قهوه جي ارطاکي يي ضرب
ايدن ارشاقک برهفته حبسنه

باغ عمله سندن پاشا ليمانلي استراطي ايله قازلي
چشمه ده ساکن قره حصارلي يوردامک اشيلريني
سرقت ايدن کيچي قيو طاعلي استراطي ولد يينا کينک
دزت ماه حبسنه

يکديکريني ضرب ايدن قهوه جي چراغي نيغولي
ولد پراشکوه وقصاب چراغي يانيه لي ميچو ولد قسطنطي
وبالقجي نسيم ولد ميشون وطباقي يوده ولد ميشون
واسکي علي پاشاده درويش علي محله سنده ساکن
بقال محمد بن مصطفى ايله خفاف حافظ احمد افنديک
برر هفته حبسلرينه

خور خور جوارنده ساکن يورغانچي محمدتوفيق
افندي يه اطالاه لسان ايدن ضربخانه عمله سندن شوکت
بن سعيددن بر آلتون جزاي نقدي اخذينه

قره مکرده زنجيرلي قيو جوارنده عتيق علي پاشا
محله سنده دکرمان زقاعنده ساکنه زنجيه صداقت
قادي يي ضرب ايدن کچه جيلر محله سنده ساکنه زنجيه
فاطمه دن بر آلتون آتوب مضروبه يه اعطاسنه

شرکت خيره مأمورلرندن حسني افندي يه اطالاه
لسان ايدن بشکطاشده کوي ايچنده قولتوچي اصنا -
فندن حاجي عليدن يارم ايرا جزاي نقدي اخذينه
اوشاق قره حصارلي مصطفى بن احمد يي ضرب
ايدن بايزيده بوليلي آشي جي احمد بن عليدن بر آلتون
آلتهرق مضروبه اعطاسنه

بشکطاشده مقيم موسيو زونارونک خانه سنده
چالشدقلي صرده اشيا سني سرقت ايدن بک اوغلنده
ساقز آغاچنده يوز اوتوز اوچ نومرولي خانه ده ساکن
مرانغوز اوتوز ياشنده قوچو ولد ايليانک اوچ سنه
وطاطاولده ساکن مرانغوز پترو ولد ميخالک ايکي
سنه ومال مسروقي بيله رک آلمش اولان ليساربونک
آلتی ماه حبسلرينه ومسروق اشيا اثماني اولان اوتوز
اوچ ليرانک هر اوچک يکديکرينه کفيل بالمال اولمق
اوزره تحصيلنه

قوميسر احمد افنديک زنجير علي يي ضرب ايلديکي
تحقق ايتديکندن اون بش کون حبسنه درسعادت .
بک اوغلي بدايت محکمه لري جزا دائره لرنبجه قرار
ويرلشدن .

اعلانات

تجارت بحريه محکمه سنده :

غلطه ده ويوده جاده سنده ١١٨ نومرولي مغازده
تجارت ايدن نسيم شالومک ٢٢ کانون اول سنه ٣١٧
تاريخندن اعتباراً اعلان افلاسنه ومصالح افلاسيه نک
رؤيت وتسويه سي ضمننده اعضاي محکمه دن عزتلو
مارقار افنديک ژور قوميسر ودعوي وکيلي
پوزانت ترزيان افنديک موقت سندیک تعيينلرينه
ومغازه سيله اشيا زائده بيتيه سنک تمهيننه واوراق
ودفاترينک جايه وکفالت ارايه ايدمه سديکي حالده
حبس وتوقيظه وبوياده کي قرارک موقتاً اجراسنه
محکمه تجارت بحريه جه قرار ويرلش اولديغندن
قانوننامه تجارتک ١٧٠ نجی ماده سي موجنبجه دائمي
سندیکلر انتخاب اولمق اوزره اشبو ١٣١٧ سنه سي
کانون نائيسنک بدنجي بازار ايرتسي کوني ساعت يدي
راده لرنده اصحاب مطلوبک محکمه مذکورنک افلاسه
مخصوص اولان اوپه سنه کلکلي لزومي اعلان اولنور .

استانبولده چاقاچيلر يقوشنده طقوز واون بر
نومرولي مغازلرده اجراي تجارت ايدر ايکن افلاسنه
قرار ويريلان س . س . دلسريان برادرلرک تحققيق
ديون معاملاتنه ابتدار اولنه جغندن مرقوم ذمتنده
آلاچي اولانلرک اوراق مثبته لريني حامل اولدقلي
حالده اشبو ٣١٧ سنه سي کانون نائيسنک يکرمي برنجي
بازار ايرتسي ، يکرمي ايکنجی صالي ويکرمي اوچنجي
چهارشنبه کونلري ساعت آلتيدن طقوزده قدر تجارت
بحريه محکمه سنک مصالح افلاسيه اوپه سنه بالذات وبا
بالوکاله مراجعت ايدرک آلاچقلي تحققيق ديون دفترينه
قيد ايتديرملري لازم کله چکي واپام مذکورده ظرفنده
مراجعت ايتيانلر حقنده تجارت قانونک ٢١٠ نجی
ماده سي احکامنک موقع اجرايه قونيله جني اعلان
اولنور . ژور قوميسر

ايکنجی محکمه تجارتنه :

استانبولده باغچه قپوسنده اجراي تجارت ايدر
ايکن ايکنجی محکمه تجارتدن افلاسنه حکم اولمش
اولان متوفي صراف واسيلاکي لاغوبولوسک خصوص
صات افلاسيه سنک رؤيت وتسويه سي ضمننده دعوي
وکيلرندن نيغولاکي لوعوثي وماهر افنديلر اصالة

سندیک تعيين قلنمش اولدقلرندن مفلس مرقوم ذمتنده
آلاچي اولانلرک قانوننامه تجارتک ١٩٩ و ٢٠٠ نجی
ماده لري موجنبجه تحققيق ديون ايچون تاريخ اعلاندن
اعتباراً يکرمي بر کون ظرفنده سنداتي محکمه کاتبه
تسليم ايللري ومدت مذکورده ختامندن صکره اوچ کونده
يعني اشبو کانون نائينک اوتنجي پنجشنبه واون ايکنجی
جعه ايرتسي واون دردننجي بازار ايرتسي کونلرندن
ايکنجی محکمه تجارتک افلاس اوپه سنه کله رک سندیک
افنديلر مواجهه سنده آلاچقلي اثبات وقيد وتصديق
ايتديرملري ومدت مذکورده اثبات وجود ايدمه میان
آلاچقيلور حقنده قانون مذکورک ٢١٠ نجی ماده سنه
توفيقاً معامله اولنه جني اعلان اولنور . ژور قوميسر

•••••

محکمه کبير قضاي اجرا دائره سنده :

بيوک چکمه قصبه سنده مقيم اوسقولي اوغلي
يانقو افنديک قصبه مرقومه ده مقيم خانچي پنايوط
اوغلي مانول ذمتنده کي معلوم المقدار آله جغتک تأمين
استيفاسي ضمننده مرقومک عهده تصرفنده بولنان
قصبه مرقومه ده استانبول جاده سنده کائن براب خان
وبقال وقهوه دکانلريه صانلق وکمرک اداره سنده
اولان حصه سنک حجزينه قرار ويرلش وتاريخ اعلاندن
اون بش کون صکره مزايديه وضع اولنه جني بيوک
چکمه جه اجرا دائره سندن اعلان اولنور .

•••••

شبه بابت محکمه سي اجرا دائره سنده :

شيله يي يماندي جورباچينک متوفي مقيد احمد
رفت افندي ذمتنده کي مطلوبات محکوم بهاسنک تأمين
استيفاسي ضمننده حجز آلتنه آلتان شيله قصبه سنک
چارشوجاده سنده يوزاون بر نومرولي براب قهوه خانه
واسکله جاده سنده يتمش بش نومرولي بر قطعه مغازه
يري واسکله جاده سنده يتمش يدي نومرولي بر قطعه
عرصه ومحمد علي اوغلي دره سنده اون يدي نومرولي
بش دوم ترلا وچابرلرده اون سکز نومرولي اون
سکزدوم چاي وينه محل مذکورده اوتوز سکز نومرولي
سکزدوم برقطعه ترلا وينه صانمازليده يومرو قياده
اللي بر نومرولي يکرمي دوم قوري وينه يومرو
قياده اللي يدي نومرولي آلتی بچق دوم مرعانک
بدلاري آلتی بيک آلتوز غروشه طالبي عهده سنده
تقرر ايتمش اولمغله تاريخ اعلاندن اعتباراً اوتوز بر
کون ظرفنده احاله قطعيه سي اجرا اولنه جغندن
طالب اولنلرک يوزده بش ضميمه وبي اچيه لريني
مستصحباً شيله قضاي بدايت محکمه سي اجرا دائره سنده
مراجعت ايلملري اعلان اولنور .